

# BOLAODI BA MEEDI BO NTSE BO TSWELA PELE HO EKETSA PALO YA DIKGAPO SELEMO LE SELEMO: KE THEPA YA BOLENG BA R3.7 BILLION E HAPILWENG KE BOLAODI BA MEEDI SELEMONG SE FETILENG SA DITJHELETE

**Pretoria, 18 Mmesa 2019** – Ditshebeletso tsa Lekgetho tsa Afrika Borwa (SARS) di ntshitse dipalopalo tsa moraora o tjena tse kopantsweng tse mabapi le dikgapo tsa ho tloha ka la 01 Mmesa 2018 ho fihlela ka la 31 Tlhakubele 2019. Paloyohle ya boleng ba dithoto tse hapilweng e fihla ho R3 694 742 928.

Tse ding tsa dipalopalo di akaretsa tsena:

- Dithethefatsi tse fetolang semelo: dikgapo tse 892 tsa boleng ba R535 132 535
- Disakarete: dikgapo tse 220 tsa boleng ba R50 252 520
- Tse kotsing ya ho timela (CITES - tse kang perelamunu): dikgapo tse 43 tsa boleng ba R 42 224 372
- Tjhelete: dikgapo tse 14 tsa boleng ba R64 986 630
- Viagra / Dijeneriki tsa Viagra: dikgapo tse 170 tsa boleng ba R69 280 100
- Diaparo, dieta le dithoto tse ding tsa mokokotelo: dikgapo tse 1 526 tsa boleng ba R2 710 118 775
- Diaparo le Masela (tse seng ntjha mmoho le ditlolo tse ding tsa molao): dikgapo tse 20 tsa boleng ba R5 187 702
- Jwala: dikgapo tse 298 tsa boleng ba R18 430 752

Ha ho bapiswa le nako e tshwanang ya selemo se fetileng sa ditjhelete (Mmesa 2017 ho isa ho Tlhakubele 2018), palo ya dikgapo e nyolohetse ho 6 828 ho tswa ho 4 840, mme boleng ba dikgapo bo nyolohetse ho R3 694 742 928 ho tswa ho R2 461 425 369.

"Ofisiri e tshwereng mokobobo: Beyers Theron o tswetse pele ho tlotlomatsa diofisiri tsa Bolaodi ba Meedi ka ho netefatsa hore madiboho a Afrika Borwa a dula a kwaletswe dithoto tse seng molaong. Le baeti, haholoholo ka nako ena, ba kgothaletswa ho tseba hore ke dithoto dife tse dumelletsweng le tse sa dumellwang ka ho etela [www.sars.gov.za](http://www.sars.gov.za) hore ba tle ba nolofallwe ke maeto a bona ho kena le ho tswa ka naha."

- Tse ding tsa dikgapo tsa maemo a hodimo tse bileng teng ngwahola di akaretsa tse latelang:
- Oli ya Cannabis, ya boleng bo lekanngwang le R300 000 000, e neng e tswa Canada ho leba Afrika Borwa, e ile ya hapuwa Boemaqepeng ba Durban ka la 07 Pherekong 2019.
- Acetantranil (mandrax precursor), ya boleng bo lekanngwang le R45 000 000, e neng e tswa Hong Kong ho leba Afrika Borwa, e ile ya hapuwa Boemaqepeng ba Matjhaba ba OR Tambo ka la 17 Tshitwe 2018
- Acetantranil (mandrax precursor), ya boleng bo lekanngwang le R43 000 000, e neng e tswa Hong Kong ho leba Afrika Borwa, e ile ya hapuwa Boemaqepeng ba Matjhaba ba OR Tambo ka la 17 Tshitwe 2018
- Dipidisi tse ntlafatsang tsa thobalano (Jeneriki ya Viagra) tsa boleng ba R30 000 000, tse neng di tswa India ho leba Afrika Borwa, di hapilwe Boemaqepeng ba Matjhaba ba OR Tambo ka la 13 Motsheanong 2018
- Dipidisi tse ntlafatsang tsa thobalano (Jeneriki ya Viagra) tsa boleng ba R24 192 000, tse neng di tswa India ho leba Afrika Borwa, di hapilwe Boemaqepeng ba Matjhaba ba OR Tambo ka la 13 Tshitwe 2018
- Dipidisi tse ntlafatsang tsa thobalano (Jeneriki ya Viagra) tsa boleng ba R4 400 000, tse neng di tswa Hong Kong ho leba Afrika Borwa, di hapilwe Boemaqepeng ba Matjhaba ba OR Tambo ka la 30 Tshitwe 2018
- Mapheo a dishaka, a boleng bo lekanngwang le R7 200 000, a neng a tswa Brazil mme a feta ka Afrika Borwa ho leba Hong Kong, a hapilwe Boemaqepeng ba Matjhaba ba OR Tambo ka la 04 Tlhakubele 2019
- Perelamunu, ya boleng bo lekanngwang le R8 960 000, e neng e tswa Cape Town ho leba Johannesburg, e ile ya hapuwa mane City Deep ka la 15 Hlakola 2019
- Lenaka la tshukudu, la boleng bo lekanngwang le R23 200 000, le neng le tswa Afrika Borwa ho leba Dubai, le ile la hapuwa mane Boemaqepeng ba Matjhaba ba OR Tambo ka la 09 Pherekong 2019
- Tjhelete (USD) e lekanang le R9 460 500, e neng e tswa Afrika Borwa ho leba Hong Kong, e hapilwe Boemaqepeng ba Matjhaba ba OR Tambo ka la 11 Loetse 2018
- Tjhelete (USD) e lekanang le R13 798 882, e neng e tswa Afrika Borwa ho leba Dubai, e hapilwe Boemaqepeng ba Matjhaba ba OR Tambo ka la 25 Hlakola 2019
- Tjhelete (USD) e lekanang le R14 298 360, e neng e tswa Angola ho feta ka Afrika Borwa le Dubai ho leba China, e hapilwe Boemaqepeng ba Matjhaba ba OR Tambo ka la 30 Tshitwe 2018

- Ho hapilwe disakarete tse 1 766 200 Moeding wa Beit Bridge ka la 17 Mmesa 2018
- Ho hapilwe disakarete tse 2 869 480 Moeding wa Beit Bridge ka la 27 Tlhakubele 2019
- Ho hapilwe disakarete tse 5 012 040 Moeding wa Beit Bridge ka la 24 Pudungwana 2018